

Aanar kää'dd fysioterapia veä'kkneävvkääzzkõõz

Veä'kkneävvkääzzkõõz lie jurddum Aanar kää'dd vuõrâsoummuid, koin lij huänn'nam tuâimmjemodd puõz3âlm, vââ'jj le'be šõddâmâjnummuž diõtt. Päärnai (vuâlla 16 e) veä'kkneävvkääzzkõõzzin vuäžž lââ'ssteâđ fysioterapia juâkksest. Veä'kkneävvkääzzkõõsse kooll veä'kkneävvtarb a'rvvõs, šiõttummuš da âânnmõõžž mätt'tummuš di veä'kkneävv âânnmõõžž seu'rrjummuš. Veä'kkneävvkääzzkõõs lij puõccja mäâu'ste'm. Veä'kkneävv jââ'dtummuš lij vuõss-sââ'jest puõz3i vasttõssân.

Täâu'jmõs liikkummuž da juõ'kkpeivvsaž tuâimi veä'kkneävvid lai'nn'jet fysioterapeeut a'rvvõõzz vuâđald mie'rräiggsaž le'be juâtkkjeei ââ'nnma tiõrvâsvuõttkõõskõõzz fysioterapiajuâkksest. Näkam veä'kkneävv lie liikkummuž veä'kkneävv (ouddm. rollaattor, vä'z3emsue'bb da kää'lezstuu'l), hygienia veä'kkneävv (ouddm. wc-pââ'jeei da rooss-stuu'l).

Vä'žžlab o'dinaknallšem tuâimmjemoodd a'rvvõõzz da va'lljummuž õõlgteei veä'kkneävvi, mâ'te ooumažkaggâmneävvi le'be aktiivkää'lezstuu'li vue'zzest oudldet täujja dâhttar le'be terapeeut siâzstõõzz. Tâi veä'kkneävvi a'rvvõ'sse da šiõttummša va'rrjet ääi'j. Lââ'ssteâđaid vuäžž fysioterapiajuâkksest arggpeei'vi čiâss 11.30 – 12.30 te'l. 040 5098661.

O'dinaknallšem ââ'nnma rajjum da jee'res persoonlaž veä'kkneävvid, mâ'te protee'sid, ortopeedlaž kâ'mmid, tuärjsookkaid, ortoosid da peruukkid, ha'ŋkkheet vuõssmõs vuâra pâi spesiaal- le'be tiõrvâsvuõttkõõskõõsdâhttar raajjam aalgtõõzz vuâđald. Ha'ŋkkummuž riâššmest va'sttad spesiaalpuõccihâidd (LKH) le'be vuâđđtiõrvâsvuõttuõll. Op. veä'kkneävvid oodee'n vää'ldet õhttvuõđ fysioterapia juâkksa.

Liâđglaž liikkummuž veä'kkneävvid da pirrõsvaldšemaparaattid di kommunikâ'sttem veä'kkneävvid jârjstet Lappi kruugghospitaal veä'kkneävjuâggtoõzzâst. Op. ha'ŋkkummuš a'rvvõõzzâst da plaanummšest õhttvuõttooumžen tuâimmje Lappi kruugghospitaal tõrgsmâ'ttemo'hjeei.

Veä'kkneävvi lai'nn'jummušid da maacctummšid hââidet Ä'vvel tiõrvâsvuõttkõõskõõzz fysioterapiajuâkksest arggpeei'vi čiâss 11.30 – 12.30 kõskksaž äi'ğgen. Jõs maacctak veä'kkneävv jee'res äi'ğgen, käunnai fysioterapiajuâkkaz kää'rdest ču'kk da maacctemlomaakk maacctem vääras.

Veä'kkneävvi laaddmõš tiõrvâsvuõttkõõskõõzz vuä'mstem da lai'nn'jam veä'kkneävvi vue'zzest lij nelljdpeei'vi čiâss 9 – 11 Ä'vvel tiõrvâsvuõttkõõskõõzzâst. Laaddâmnalla âârrai veä'kkneävvid âlgg pu'htted fysioterapiajuâkksa kâ. äi'ğgpoddân.

Lââ'ssteâđaid veä'kkneävvi pirr vuäžžak fysioterapiajuâkksest arggpeei'vi čiâss 11.30 – 12.30 te'l. 040 5098661.